

Depeign an Assamble national

(Var tòn : *Ar gananeen*) ⁽¹⁾

1

Cals a dut fur a gavan nec'het — Casi parlout dre ar broïou
— Emaint o tourmanti o speret — O clasq compren an de-
crejou — Mes biquen ne vezint entetet — Nac er vroma, nac
e leach all — A nez gout penaos e composet — An assamble
national.

2

Nor boa ni quet choaset da quenta — A oll dut ar rouan-
teles — Ar re a gaffemp effronteta — Eus a guear ac divar
ar mes — Hep lesen, hep resoun, hep studi — Nemet et
chozchent causeal — Oll e soant mad da rebresanti — An
assamble national.

3

Clevet oc'heus coums a arch Noë — Da bini e oue digasset
— An anevalet dre urs doue — A guement corn a ioa er bed:
— Nemet eis den ne oue destumet — E toues al loanet brutal
— Pet a soung deoc'h ave cavet — En assamble national.

4

Tud a ilis, ac avocadet — Tut gentil, a labourerien —
Heretiquet a catholiquet, — Philosophet a christenien —
Ne alle an eil entent eguile — Pa errujont ebars er sal —
Penaos ober gant ar seurt-se — En assamble national.

(1) Cette chanson, moins longue que la précédente, s'y rattache par plusieurs traits. Elle en est pourtant assez indépendante pour que nous la reproduisions intégralement à part. Le texte est celui du manuscrit Cueff. Le titre est suppléé d'après le manuscrit de Plouescat. — Pour Durand (*op. cit.*).

5

Da goumanç o devez esseet — Tremen evit tud a feçoun —
Tri mis antier o deus disputed — Hep gallout entent nep
resoun : — Mes evit laeret an n'fion — Int nem ententel
ractal — A chetu evo intention — An assamble national.

6

An ourgouil ac avarisdet — Al lubricite, an avi — An dibri
pe efa direglet — Ar goler ac an diegui — A ioa reprouvet
er gristenes — Evel seiz pec'het capital. — Emaint brema
o seis assambles — En assamble national.

7

Dre ourgouil o devez digasset — Eur paper da rei da
entent — E ranco ar bed oll estonet — Ener gontempli o
squier — Ansao ne deus den fur nemete — En amser ma,
na beç gueach all — Chetu fougue a superbite — An assamble
national.

8

O bouclou archant o deus roet — Evit sicour paea o dle, —
Mes o fansion o deus miret — A taxet da nao scouet bemde, —
Quemerent efa patiantet — Nao scouet bemdes ne dequet fall,
— Profit so en avarisdet — En assamble national.

9

Henoret o deus evel daou sant — A lequeat ober imachou —
Da zaou scrifannier impertinant — Gueachal chasseet eus
o broiou, — Abalamour do lubricite — A cals a insolançou
all, — It goude da glasq ar burete — Dan assamble national.

10

Evel coums en den a enor — En den onest ac en den fur —
Evez chasseet eves ar gador — Gret desan mil displijadur —
Biscoas ne deo manquet an avi — Etoues an artisanet fall —
Ema nos deis och o devori — En assamble national.

11

Clevet emeus o doa leinet — Pe zijunet a gonsequans —
An deis ma oue douguet an decrejou — Var galiteou an
noblans ; — Man o barner dioch o decrejou — A dioch o
resounou brutal — E rear alies re gorfajou — En assamble
national.

12

Nemet dre goler a dre valiç — Ne glever parlant er plaç-se
— Ne oufet quet counta pet solis — A rebeich an eil deguile
— Ar blasphemou ac an injuriou — An insultou ac ar
scandal — Ne glever quen seurt litanioù — En assamble
national.

13

Quent eguet lacat var ar paper — O lesen ac o decrejou —
E tligent impligea o amser — Da ober reflexionou — Guel
eo ganto mont da chalcantet — Da luxambour a da Vox-hall ⁽²⁾
— Eguet na de chom da labourat — En assamble national.

14

Rac-ze var lesen ar seis pechet — E ranquet chench ar
catechis — An oll esqueb a so chasseet — Ar pap ne mui
pen an ilis — Gouvenet veso mer gout ⁽³⁾ piou ! — It da len
an original — Scrifet e paris var gayerou — An assamble
national.

⁽²⁾ Lire *Vox-hall* au lieu de *chroax* que porte le texte.

⁽³⁾ Lire *gant*.

15

Mar bes biquen anvet anevéz — E plaç ar re a so eno —
Me meus er c'hi a ielo ivez — Excellant eo en e lino — Ne
anavez prinç na digentil — Pap, nac escop na cardinal —
Ennes a veso eur pezh util — En assamble national.